

# Inuili- Food College Greenland Siulersuisut 5-saani ataatsimiinnerat 2017-2021

Inuilimi siulersuisut 5-at ataatsimiinnerat, ulloq novembarip 7-ani 2018, Inuilimi

Peqataasut:

- Karsten Lyberth-Klausen (KL-K) siulittaasoq
- Lena Pedersen (LP) siulitt.tullia
- Daniel Skifte (DS)
- Jeppe Ejvind Nielsen (JEN)
- Paarnanguaq Tittussen (PT)
- Jes Nyborg (JN)
- Poul Nørris Christensen (PNC) pisortaaneq
- Jens Høegh Andersson (JHA) sulisut sinnerlugit
- Anna Marie Knudsen (AMK) Ilinniartitaanermi pisortaq, imaqarniliuisoq

Peqataangilaq:

- Christian Laursen

Ataatsimiinneq aallartippoq nal. 09.30, KL-K tikilluaqqusisuulluni. Oqaluuserisassat akuersissutigineqarput, kisiannili oqariartuutigineqarluni imm. 2-miittoq, FishTech-KAL, suleqatigiissitaq pisariaarummat unitsinneqarsimasoq.

**Imm. 1. Oqaluuserisassanik akuersineq aammalu imaqarniamik 28.05.2018-meersumik akuerinninneq.**

Imaqarniliaq akuerineqarpoq, atsiorneqarlunilu. Siunissami taamatut pisoqartarunnaassaaq, imaqarniliaq elektronisk-itigoortillugu akuerneqartalissamat.

**Imm. 2. Inissisimaffimmik naliliineq, suliniutinillu nalilersuineq aalajangiinertalik.**

**2 A. Pikkorissaasarnerit:**

LP / INK-llu ernæringsassistentit akornanni inuttut ineriartorneq pillugu pikkorissaasoqartarnissaanik ujartuipput. Tamatumani siunertarineqarluni piginnaasanik qaffassaanerit, tamatumali nassatarisaanik pineqartut ilinniakkatigut qaffassarsinnaalernissaanut aqputissiuussisarnissaq. Tamatumani aamma anguniarneqassalluni pineqartut sulisutut ataavarnerusuni/aalajangersimasuunerusuni suliffeqartalernissaat.

KL-K-p ilisimatitsissutigivaa, ilinniarfinni arlalinni praktikvejlederit piginnaangorsarneqartarmata. Taamaattumik misissuiffigineqassaaq ilinniarfiit arlaat suleqatigalugit pikkorissaasarnernik ingerlatsisarsinnaasarnissaq.

**2 B. Gast 1:**

## **Inuili- Food College Greenland Siulersuisut 5-saani ataatsimiinnerat 2017-2021**

Ajuusaarnangitsuunngilaq Gast 1-mi ilinniagaqartut ikiliartormata. Aamma qanittukut maluginiarneqarsimammat, ilinniagaqartut nunatsinneersut TechCollege, Aalborg-imi Gast 2-nerminni inorsarnertik pissutigalugu unittitsiinnartarnerat. Tamatuma ersersippaa igasunngornianik ilinniartitsisarnerup suli qaffassaavigineqartariaqarnera.

Ilinniagaqarneq tamaat isigalugu ilinniagaqartut piffissap 25%-iani Inuilimiittarput, taavalu sungiusaatigalugu sulinerat 75%-mik sivirususeqartarluni. Taamaattumik kivitsiniarnermi pisussaaffik illuatungeriinniippoq, Inuilimi sungiusaatigalugulu ilinniarfinni. Aamma suliniuteqarneq danskit ilinniarfii suleqatigalugit ingerlanneqartariaqarpoq, tamatumani minnerunngitsumik TechCollege Aalborgi suleqatigalugu. Maluginiarneqarsimavoq nunatsinnit ilinniagaqartut TechCollegemi ilinniartuusut atuagaqarsornikkut angummassinnaasartut, kisiannili sungiusaatigalugu sulinerminni ajornartorsiuteqarnerusinnaasarlutik.

JEN-ip oqarneratut nunatta pisuussutai atorlugit nerisassiorneq ajornartorsiutaavallaarneq ajorpoq, tamatumani suli suliniuteqarnerunissaq Inuilimiissorinarluni. JN-i isumaqarpoq sungiusaatigalugu ilinniarfinit isiginiarneqartassasoq, nerisassioriaatsit qanoq ittut ilinniagaqartut aqusaagassarissaneraat. Akisussaaffik tamanna sungiusaatigalugu ilinniarfimiippoq. Taamaattumillu igasussat sumi sungiusaatigalugu ilinniartuusarnissaat eqqarsaatigalugu aamma tamanna isiginiassallugu pingaaruteqanngitsuunngilaq. Tamatuma saniatigut aamma cater- aamma kantina-assistentissatut qiviaallanneqarsinnaapput, immaqami taakkunaniit igasutut ilinnialersinnaasut taamatulluunniit toqqaasinnaasartut arlaqarnerusarsinnaagaluar mata.

LP-p eqqumiigivaa TechCollege-mi ilinniagaqartut aatsaat soraarummeerluinnaleraangata siunnersorneqartarmata, tamatumani oqariartorfigineqartarlutik soraarummeernissartik sapissagamikku naleqqutinnginnerarlugit. Ilanngullugu maluginiarneqartariaqartut ilagiat ilinniagaqartut arlallit nunatsinni tunngaviatigut atuarnerit danmarkimut sanilliullugit sivikinnerusinnaasarmata.

Gast 1-mut tunngatillugu oqallinneq imatut inerneqarpoq:

- Igasutut sungiusaatigalugu ilinniarfigineqartartut akuerineqartarnerinut tunngasortaa misissuiffigineqassaaq.
- Inuilimi immikkut atuartitsisarnerit pisariaqartinneqarnerat naapertorlugu ingerlanniarneqartassapput.
- Inuilimit suliffeqarfiit attaveqarfigineqartassapput, ilinniartuutiniq isumalluuteqarneq piginnaanngorsaasarnerillu pillugit. Inuilimit ilinniagaqartut sungiusaatigalugu ilinniarnermi ilinniarfigisassaasut tassaniinnerminni ilikkartariaqagaat pillugit paaseqatiginiarneqarlutillu qaninnerusumik suleqatiserineqartassapput. Tamatumani JEN-ip INUILI peqatigalugu attaveqaateqartarnissamut imminut neqeroorutigivoq.
- TechCollege-mik nutaamik isumaqatigiisuteqartoqassaaq.
- Ilinniartitaanermi pilersaarussiaq aamma Danmark-mi sungiusaatigalugu ilinniarnissamik tikkuussiffigineqartassaaq.
- Inuilimit suliffeqarfiit attaveqarfigineqassapput, tamatumani paasiniaaffigineqartassallutik ilinniagaqartut ilinniagassaat suussanersut. Tamatumani

# Inuili- Food College Greenland Siulersuisut 5-saani ataatsimiinnerat 2017-2021

sungiusaatigalugu ilinniarfiit sunnarniarneqassapput ilinniartuutiminnik pikkorissaalluartarnissaat – tamannali paaseqatigiinnissaq siunertaralugu sukannersaanngikkaluarluni **ingerlanneqartassaaq**.

- Praktikvejlederit pikkorissarsinnaasarnissaat periarfissarsiuuneqassaaq.

## 2 C Ilinniartitaaneq pillugu immikkut suliniuteqarneq:

Siulittaasup ilinniartitaaneq pillugu pillugu immikkut suliniuteqartoqarneranik ilisimatitsissutigivaa, tamannami pillugu ulluni 25.-26. oktober HHE-mi immikkut ataatsimiittoqarnikuusimmat. Naalakkersuisoqarfiup kingorna suliassaq pivuunngorniartussaassavaa. Pilersaarutit naapertorlugit meeqqat 11. klassimi atuartut sungiusaatigalugu suliffeqarfinniitinneqartassapput, sungiusaatigalugulu ilinniarfissaqanngitsut atuarfinni sungiusaatigalugu ilinniarinneqartassallutik, tamatumani apeqqutaatillugu ilumut sungiusaatigalugu ilinniarfiusinnaasumik nassaarsinnaassimassanersut. Atuartut 12. klassimiit ilinniagaqarsimanertik pillugu uppersaasereqarsinnaasalissapput, soorlu nerisassiornermut assistent-itut (naak taaguutissavia suli ilisimaneqaqqissaanngikkaluartoq).

Apeqqutaavoq ilumut qulakkeerniassallugu kikkut 16-niit 18-illu tungaanut ukiullit ilumut ilinniagaqarnissaat pillugu qulakkeerininniartuussassanersut? Manna tikillugu tamatumani akisussaaffik kommuniiippoq.

## 2 D Ukiup pilersaarusionera

**Ataatsimiinneq nr. 6:** DM i Skills pillugu pissartanngorniunermut atatillugu, Næstved-imi 4. – 6. april siulersuisut ataatsimiissapput. Pisortaanermut angalanissamut pilersaarutit isumgissavai. Ilinniarfiit Aalborg-imiittut, Holstebromiittut Valby-miittullu orninniarneqassapput.

**Ataatsimiinneq nr. 7:** 2019-mi Nunatsinni pissartanngorniutitsineq sap.ak. 36-mi ingerlanneqassaaq: Narsamut tikinneq 3.9., siulersuisut ataatsimiissapput 4. sept. taavalu 5.9. pissartanngorniunneq ingerlanneqassalluni. 7.9. angerlamut aallartoqassaaq.

**Ataatsimiinneq nr. 8:** 28.11.2019, Nuuummi.

## Imm. 3 Aningaasaqarneq

### 3 A. Ukiumoortumik naatsorsuutit 2017-mili aalajangersaasimanerit (protokol)

Siulittaasup maluginiaqquaa Upernaviarsummut tunngatillugu aningaasatigut aqqitassaartoq. Tassami aamma akueriuminaammat Inuilip aningaasaataani UPV-mi amigartoorutit matussusiivigineqartassappata. 2017-mut tunngatillugu 600.000 kr.-niupput. Siulittaasup oqariartuutigivaa Upernaviarsummut tunngatillugu aningaasatigut oqimaatsorsiortoqartuaannartoq.

Siulersuisut 2017-mut tunngatillugu naatsorsuutit tusaatissatut akuerivaat.

# **Inuili- Food College Greenland Siulersuisut 5-saani ataatsimiinnerat 2017-2021**

Siunissami pikkorissaasernerit ataasiakkaarlugit immikkut naatsorsuusioneqartassapput, maannatuut ukiumoortumik ataatsimoorteqinagit.

## **3 B. Ukiup affaanut naatsorsuutit / Manna tikillugu atuisimaneq**

Pilersaarutit naapertorlugit hold-it ingerlanneqartussat allannguuteqassanngillat, naak holdini ataasiakkaani peqataasartut ikiliiallaateqarsimagaluartut. Inuilip taxa-meterit atorlugit naatsorsuuserisarneq iluaqutigisarpaa, naak tunngaviatigut aningaasaliissutaasartut annikippallaaraluartut. Kantinap ingerlanneqarneranut tunngatillugu taxa-meterit atorlugit aningaasaliisarnikkut matussusiivigineqartarpoq.

Pikkorissaasernerit ajunngitsumik ingerlapput. Tamatumani aamma LP-p nunatta pisuussutaanik atuisarneq erseqqissaassuteqarfigivaa.

Siulersuisut ukiup affaanut naatsorsuutit atuisimanerillu tusaatissatut akuersissutigivaat.

## **3 C. Aningaasanut inatsisitigut aningaasaliissutit**

Takuneqarsinnaasut naapertorlugit Inuilimut tunngatillugu 2018-misuulli 2019-mi aningaasaliissuteqartoqassaaq.

## **3 D. 2019-mut siumut missingersuutit**

2019-mut siumut missingersuutit akuersissutigineqarput.

## **Imm. 4 Oqaluuserisassat**

### **4 A. Allagartartaarlutik soraarummeertut**

2018-mi soraarummeertussat 24-ussasut tagginneqarsimapput. Tamanna tusaatissatut tiguneqarpoq.

## **Imm. 5 Imm. sammisat**

### **5 A. Anguniakkat iliuuseqaatillu**

Ilinniarfimmi ilinniartitsisup Lars Steen Hansen-ip Inuilip anguniagai pillugit saqqummiussaqqarpoq. Anguniakkat uuttortarlugit suliniutigineqarlutillu aqqutissiuuneqassapput. Anguniakkat ersarissaavigineqarlutik takusassiarineqartassapput. Ineriartorneq tamatumani ersersinniarneqartassaaq. Soorlu nerisassiat akuutissanik akoorneqanngitsut suut suliarineqartarnersut. JHA-p erseqqissaassutigivaa tamatumani Inuilimi suleqataasut tamarmik suliniuteqalernerni akuutinniarneqartassasut.

Ataatsimeereernerup kingorna JEN, PNC aammalu AK suleqatigalugit siulittaasup siul.tullialu tullissaanik siulersuisut ataatsimiinnissaanut oqaluuserisassaanik pilersaarudioqatigiipput.

### **5 B. Siulersuisut sulilluarnissanut periusissat (kodeks) pillugit inassuteqaatit**

## **Inuili- Food College Greenland Siulersuisut 5-saani ataatsimiinnerat 2017-2021**

Siulittaasup kodeksit immikkut oqaaseqarfigitsiarpai. Anguniagassatut isumaqatigiissut ineriartortitsinissamut isumaqatigiissutinngortinneqarnikummat, tamatumani aningaasat akuutinneqarunnaarnikuupput.

Inuilip perorsaaniikkut anguniagai siulersuisunut ingerlateqqinneqassapput. Siulersuisut ataatsimittarneri nalilersuiffigineqaaqqissaq. Suut sissuigassaappat? Sillimaffigisariaqakkat toqqammavigalugit aqutseriaatsimik siunnerfeqartoqassava? Ilinniagaqartut ikiliartornerat pillugu qanoq iliuseqassaasut il.il.?

### **Imm. 6 Siulittaasumit pisortaanermiillu ilisimatitsissutit**

#### **6 A. Kingullermik ataatsimiinnermiit**

Siulittaasup ilisimatitsissutigivaa soraarummeernermi danskisut uppersaasorsorneqarsinnaasarneq nunatsinnut tunngatillugu akuersissutigineqarsimammat, tamatumani naamassilernermi soraarummeerluni angusisimaneq danmarkimi ingerlanneqarsimagaangat.

Pisortaaneeq ilinniarfinni pisortaanerit Sisimiuni naapisimaartinnerini peqataaqammersimavoq. Tassunga tunngatillugu ilisimatitsissutigivaa, ilinniarfinni ilinniartitsisut sulinermut tunngatillugu isumaqatigiissutiginiagaat suli atsiorneqarsinnaasimanngitsoq, qaqugulu naamassineqarnissaa nalorninarluni. Naalackersuisoqarfik sulisorisaminik ataatsimik peqataatitaqarsimavoq. Akissaatit 2015-miilli suli aqqiivigineqarsimanngillat. Tamanna pissutigalugu kingorna annertuumik akiligassiisoqarsinnaajumaarpoq.

#### **Imm. 7 Immikkut taajumasat**

Soqanngilaq.

Ataatsimiinneq naamassivoq nal. 16.00

Imaqarniliaq akuerissutigineqarpoq.

---

Karsten Lyberth-Klausen, siulittaasooq

---

Poul Nørris Christensen, pisortaaneeq